



UNIVERSITÄTS-
BIBLIOTHEK
PADERBORN

**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlm X. Quamuis.

[urn:nbn:de:hbz:466:1-62559](#)

esse debent, c. i. de ijs quæ sunt à maiore parte Capituli. In priore autem casu neutra electio confirmanda est: seu, vt alijs verbis dicam, pars senior agere potest, non vt sua electio admittatur, sed vt alterius partis electione irrita pronuntietur: Quia in c. quia propter, secundum communiorum DD. interpretationem, ad canonicam electionem utrumque requiritur, vt & maior, & senior pars Capituli in unum consenserit. Quamvis contradicat Gl. in cit. c. Ecclesia, ver. non consenserit, existimans electionem, quæ facta est à parte seniori, preferendam esse: quia pars senior censetur etiam maior.

Quæres: Quid igitur hoc casu faciendum, si ex una parte sit numerus maior electorum, quamvis non notabiliter excedens, altera vero pars auctoritate, & meritis electi multum superare videatur? Respondeo, Novam electionem inchoandam esse; quia neutra illorum canonicum effectum habere potest. Neque enim dici potest, tali casu electionem ad Superiorum deuolum: cum neque in forma peccatum fuerit, neque indignus electus sit, neque tempus trimestre elapsum, vii supponimus.

CAPITVLVM X.

Quamvis.

PARAPHRASIS.

Hæc constitutio Gregorij X. c. 9. Concil. Lugdun. secundum id tempus emanauit, cum Episcopi canonice electi à Metropolitano confirmationem accipere solerent: Hodie autem eiusmodi dignitates Cathedrales, Episcopatus, inquam, & Archiepiscopatus, Sedi Apostolicæ reseruantur, secundum reg. 2. Cancellariæ: Ita tamen, vt in Germania secundum Concordata cum Nicolao V. in Bulla, quæ incipit: Ad sacram, electio Capitulo Cathedrali relinquatur, quæ, si secundum canones facta sit, confirmari debeat. Summa constitutionis est: Tametsi Alexander IV. Pontifex quilibet appellations in causis Episcopali electionum ad Sedem Apo-

stolicam admittendas esse decreuerit; propterea quod eiusmodi cause seu controversiae merito inter maiores numerentur, quarum cognitio Sedi Apostolicæ reseruatur, c. maiores, de Baptismo, &c. Ut debitus, 59. de appellat. Verum Gregor. X. ad reprimendam appellationum frequentiam, & appellantium temeritatem coercendam, statuit, vt, si in causa Episcopalis electionis appellatum fuerit, ei appellationi non deferatur, neque negotium ad Sedem Apostolicam devoluatur; nisi appellatio in scripto proposita fuerit, adiecta causa rationabili, quæ, si probata sit, legitima censi debet. Sin autem nulla causa adiecta sit, vel quæ friuola appetet, appellatio rejiciatur. Sed tametsi appellationi deferatur, nihilominus liceat partibus, (nulla tamen simoniaca pactione interueniente) ab ea recedere, priusquam Apostolicæ Sedi representata fuerit. Atque ipsi Iudices, ad quos causa pertinuisse, nisi appellatum fuisset, diligenter inquirant, num simoniaca prauitas interuererit; & si interuenisse cognoscant, nequaquam se introumittant, sed ad Sedem Apostolicam causam ablegent, prafigentes partibus peremptorium temporis terminum, intra quem cum omnibus actis, & instrumentis, Apostoliœ se conspectui sisterent debeat.

SUMMARIUM.

1. Non expedit, vt appellantibus ad superiorius tribunal facile deferatur.
2. Appellans renunciare potest appellacionem, priusquam Superiori presentata est, aut aduersario intimata.

NO T A N D V M I. Non expedit, vt appellantibus ad superiorius tribunal facile deferatur; cum ob eam causam lites protrahantur. Ex quo, maximè in causis beneficjialibus, damna proueniunt Ecclesiis, quando Prælati, aliique ministri tardius prouidentur. Quamobrem moderationem quandam appellantibus statuere, æquum est, vt etiam

Eee 2

etiam

etiam notaui lib. i. Theol.moral.tract.4.c.7.
num. 6.

2. **N O T A N D V M I L.** Appellans renuncia-re potest appellationi, priusquam ea Su-pe-riori præsentata est: non item postea, saltem in eiusmodi maioribus causis, vt hic Mona-chus docet n. 7. & 10. Cæterum postquam appellatio aduersario intimata est, non pot-est appellans absque eius consensu renuncia-re; nisi expensas, vel si alia de causa eius in-terficit, compensare velit, iuxta c. interposita, 70. §. Ille, de appellat. & docet hic Ioan. Mo-nachus, n. 6. §. Sed numquid.

CAPITVLVM XI.

Si forte.

Si quis electo, postulato, aut aliter promo-tuendo ad dignitatem, inter alia obiectat defectum scientiæ, aut corporis manifestum, seu qui facile cognosci poslit, Iudex ante o-mnia examini subiecta promouendum, v-trum talis in eo defectus appareat, nécne: Atque huius rei facta discussio vel initium præbebit alijs obiectis examinandis, vel de-negabit. Si enim compertum fuerit, quod aduersarius falso obiecerit defectum, omnino à prosecutione causæ repellendus erit, vt ne-que in alijs audiatur: sed perinde puniatur, ac si omnium obiectorum probatione defecisset. Ita statuit Gregor. X. in eod. Concil. Lug-dun. c. 10.

Ratio constitutionis est, quia ex una parte homines proni esse solent ad impedien-das prouisiones dignitatum, quas sibi ipsi, vel amicis aut consanguineis obuenire mal-lent: Ex altera vero parte eiusmodi causa-rum expeditio celeritatem desiderat, vt, quā fieri potest, citissimè ecclesiis vidua-tis prouideatur. Modus autem citò expedi-endi causam erit iste: si Iudex ante omnia de manifesto, qui obiectus erat, defectu inqui-rat, et si in eo falsitatem deprehendat, præ-sumptionem faciat, etiam in alijs obiectis, quorum inquisitio difficilior est, fraudem & calumniam committi; atque idcirco oppo-nentem repellat; ac puniat, perinde ac si in o-

mnibus calumniari voluisset. Sin autem de-fectum, quem obiecerat, verum deprehen-dat, sufficientem iam causam habebit ele-ctum, vt indignum repellendi, & efficere, vt ad aliam canonicam electionem, seu proui-sionem processus fiat.

Est autem id speciale in hac causa oppu-gnatæ electionis, aut prouisionis: Nam alio-quin aduersarius in uno obiecto deficiens, admittendus est ad probationem aliorum obiectorum, vti colligitur ex c. 1. §. adjacen-tes, hoc tit. Vide, quæ dixi c. 1. hoc lib. & tit.

Id **QVÆRVNT** hic Ioan. Monachus n. 11. Gl. ver. initium. Quomodo intelligendum sit, quod in textu dicitur, euentum factæ in-quisitionis de defectu manifesto initium da-turum alijs examinandis obiectis, vel ne-gaturum? Arbitror ita respondendum: Si facta inquisitione defectus obiectus depre-hendatur, qui tamen per se solus sufficiens non sit ad infirmandam electionem aut prouisionem; tum ad alia examinanda obiecta gradus fieri. Sed eti sufficiens sit ad infir-mandam prouisionem, tamen plerumque ex-pedit plures causas confirmationis cognos-cre, vt causa tanto clarior, & minus dubitata sit: Præterquam, quod Iudex seu ex officio, seu accusante aduersario procedere possit no-tantum in causa electionis, seu prouisionis infirmandæ, sed etiam ad alias peñias cano-nicas inferendas. Sin autem facta inqui-sitione defectus personæ obiectus non app-pearat, tunc, ordinariè loquendo, aduersarius repellendus est, tanquam qui in probatione totius causæ defecerit; consequenter Reus absoluendus, saltem in ordine ad hoc iudi-cium. Dixi autem ordinariè, quia si mani-festò appareat, Actorem probabili ignoran-tia motum obiecisse defectum, tum ad alia probanda obiecta admitti potest. Quod ve-rò hic dicunt Gl. & Ioan. Monachus, in ca-su isto, quo falsitas obiectionis manifestò appa-ret, Iudicem ex officio procedere posse ad alia examinanda obiecta, hoc dictum non vi-detur facere ad intentum Pontificis; qui hac constitutione finem vult imponi controver-siæ, si obiectus defectus contra personam, fa-cia veritatis inquisitione, non appareat. In-terim